



關
棧
新
報



ル名5
2149
止

雲棧紀程卷七

廣漢 張邦伸 雲谷編輯

自沉香舖至漢州

二十二日自沉香舖七里至蔡家橋水出沉香舖西
流入涪又西行跨山脊十里至炕香舖十里至濫泥
溝又五里下坡渡仙人橋橋下水出白家壩東南流
入涪循涪水北岸望富樂山如在目前富樂山在州
東五里方輿勝覽昔先主入蜀劉璋迎于此山先主
望見蜀之全盛飲酒樂甚故名

唐庚富樂山云富樂之名誰所留建安年



中劉豫州擁兵入蜀萬貔貅屏璋送國來迎投軍中
醜酒椎千牛炙如巴山酒如涪酒酣握手登高邱極
目紫芋蹲春疇富樂之名此其由君聞此語還信不
當時兵起四十秋折屋不足供誅求生靈嗷嗷鼎中
油山中胡為乃爾復想今富樂萬倍劉山有洞靈觀
端能容我逃窮愁山僧笑言客罷休

漢李意期修煉于此白日昇舉時聞笙樂之音又五

里渡涪水楊慎涪江泛舟云明月沉清露秋風起白雲蘭橈乘漚急木葉下江聞爽籟金懸奏

遙峰翠積氛碧潭留雁影錦油散虹文旅望隨天豁幽阿與歲分登臨知自好寂寞共誰云

涪水出廣魏涪縣西北南至小廣魏與梓潼水合酈

注涪水出廣漢屬國剛氏道徼外東南流逕涪縣西

王莽之統睦矣臧宮進破涪城斬公孫恢于涪自此

水上縣有潺水出潺山水源有金銀礦洗取火合之

成金銀潺水歷潺亭而下注涪水又東南逕綿竹縣

北臧宮溯涪至平陽公孫述將王元降遂拔綿竹涪

水又東南與建始水合水發平洛郡西溪西南流屈

而東南流入于涪涪水又東南逕江油戍北鄧艾自

陰平景谷步道懸兵束馬入蜀逕江油廣漢者也涪

水又東南逕南安郡南又南與金堂水會水出廣漢

新都縣東南流入涪涪水又南枝津出焉西逕五城

縣為五城水又西至成都入于江按金堂水由新都

流入者爲昆橋河至瀘州入江名沱非涪也五城水
卽潺水至潼川府入涪亦不至成都江油戍在涪城
上酈注誤以今輿地言之涪水源出松潘衛風洞頂
興龍泉又東南流入平武縣界東南火溪河入之又
東南逕平武縣城西南折而東流古城水入之又東
高村水入之又東南逕江油縣城北又南逕彰明縣
城西又東南逕綿州舊城北東南與安昌水會爲芙
蓉溪唐庚芙蓉溪云人間八月秋霜嚴芙蓉溪上春
酣酣人間二月春光好溪上芙蓉迹如掃小兒
造化誰能窮幾回枯枿還芳叢只應人老不復少有酒且發衰顏紅安昌水出石泉縣

東南龍爬山初若二帶東至神泉與諸谷水合其勢
始大逕安縣北又東至州城東南合涪水又東南逕
潼川府三臺縣城東五城水自西來入之又東南逕
射洪城東又東至獨坐山梓潼水自北來入之又東
南逕蓬溪縣南又東逕遂寧縣城東又東南逕安居
縣界又東至合州入嘉陵江後漢建武十一年岑彭
討公孫述自墊江進攻破平曲命臧宮沂涪水上平
曲拒延岑于廣漢建安十六年昭烈由墊江詣涪城
皆取道此水也涪城有二一在潼川界名勝志州南

百里界于潼川四山如城涪水經其中今涪城壩是也一卽舊綿州治在涪水南一里漢置涪縣屬廣漢郡後漢建武十二年臧宮從涪水上拔綿竹破涪城斬公孫恢建安十六年昭烈引兵與黃忠卓膺等攻涪據其城劉璋遣劉瓚冷苞張任等拒昭烈于涪皆破敗保綿竹季漢延熙四年蔣琬疏曰今涪水陸四通唯急是應若東北有虞赴之不難由是自漢中還住涪魏景元四年鄧艾從陰平邪徑經德陽亭趨涪遂取蜀晉永嘉四年譙登進宕渠殺馬脫食其肝進

據涪城巴蜀為語曰譙登治涪城文石在巴西張羅守合水巴氏那得前梁天建四年魏將邢巒使王足破梓潼進逼涪城巒表言自南安向涪方軌無礙說得涪城則中分益州之地斷水陸之衝孤城何能持久魏主不從十三年魏復窺蜀分命羊祉出涪不克尋改置涪州治承聖二年西魏將尉遲迴入蜀取劔閣至涪水潼州刺史楊乾運以城降分軍守之進襲成都尋又改涪縣為巴西縣杜甫巴西驛亭觀江漲漲波濤亂遠峯孤亭凌噴薄萬井逼春容霄漢愁高鳥泥沙困老龍天邊同客舍攜我豁心胸隋為

綿州後改金山郡唐復曰綿州元隸潼川路明屬成都府 國初因之今升為直隸州 綿州巴歌云豆子山打瓦鼓陽平山撒白雨白雨下取龍女織得絹二丈五一半屬羅江一半屬元武 乾隆三十七年夏涪水壞城郭移州治于羅江名涪曰舊綿州有思賢堂在舊治東祀揚雄李白杜甫樊宗師蘓易簡歐陽修司馬光蘓軾黃庭堅九人有六一堂宋歐陽觀為推官文忠實生于此城東漁父村相傳漢涪翁故居也漢書郭玉傳涪翁者左綿人肥遯不出不知姓名所居處為漁父村玉從之受易焉城西北有越王樓

綿州圖經越王樓在州外西北有臺高百尺上有樓下瞰州城唐高宗顯慶中太宗子越王貞為綿州刺史作按舊新史越王貞太宗第八子嘗封漢王無刺綿州事或史畧之耳 杜甫越王樓歌云綿州州府何磊落顯慶年中越王作孤城西北起高樓碧瓦朱葢照城郭樓下長江百丈清山頭落日半輪明君王舊跡今人賞轉見千秋萬古情陸游越王樓云上盡江邊百尺樓倚欄極目暮江秋未甘便作衰翁在兩脚猶堪踏九州又蒲萄酒綠似江流夜燕唐家帝子樓約住筵 絃呼羯鼓要渠打散醉中愁 城北芙蓉溪有獸潛其中狀如驢不時出遊見必旱滂遇者亦不吉蝦蟆石在城北涪水上狀如蝦蟆張口向南相傳城中自昔

無蚊蠓宏治間知州汪洪改修朱容堰鑿碎其石後
 遂不驗鯉魚橋在蝦蟆石北每遇夏秋潦水逆流魚
 隨水出多食禾稼沿溪居民甚病之後遇異人于橋
 鑿一又一網魚遂集灘下不敢上漁人利焉今橋圯
 魚復大上治平院在城東卽杜詩所稱左綿公館清
 江濱海棕一株高入雲者也唐子西治平院詩江邊
 勝事略尋遍不見海棕高入雲杜甫海棕行云左綿公館清江濱海棕一株高入雲龍鱗犀甲相錯落蒼稜白皮十文交自是衆木亂紛紛海棕焉知身出羣稜栽北辰不可得時有西域胡僧識東津在治平院東卽涪江也杜甫觀打魚歌云綿州江水之

東津鮐魚鱗鱗色勝銀漁人漾舟沈大網截江一擁
 數百鱗衆魚常才盡却棄亦鯉騰出如有神潛龍無
 聲老蛟怒回風颯吹沙塵夔子左右揮雙刀膾飛
 金盤白雪高徐州秃尾不足憶漢陰槎頭遠遁逃魴
 魚肥美知第一既飽歡娛亦蕭瑟君不見朝來割素
 鬚咫尺波濤永相失又觀打魚云蒼江漁子清晨集
 設網提綱萬魚急能者操舟疾若風撐突波濤挺又
 入小魚脫漏不可記半死半生猶戢戢戢大魚傷損皆
 垂頭屈強沉沙有時立東津觀魚已再來主人罷鱸
 還傾盃日暮蛟龍改窟穴山根鱸鮓隨雲雷干戈兵
 革闕未止鳳凰麒麟安在哉吾徒無功灘在城南明
 何爲從此樂暴殄天物聖所哀
 皇入蜀從官太常卿姜皎畫角鷹于郵亭甚精妙鐫
 石豎州堂後鷹隼不敢入城後州守另刻石易前碑
 將載歸至城南舟壞沒于潭嘆曰無功矣後人遂名

其灘曰無功

杜甫觀姜楚公畫角鷹歌云楚公畫鷹鷹戴角殺氣森森到幽朔觀者貪愁學

臂飛畫師不是無心學此鷹寫真在左綿却嗟真骨

遂虛傳梁間燕雀休驚怕亦未搏空上九天陸游綿

州錄事參廳觀姜楚公畫鷹少陵為作詩者云我來

訪古浩之濱不辭百回冀一真走馬朝尋海棕館研

贈夜醉鮪魚津越王高樓亦已換俯仰今古堪悲辛

督郵官舍最卑陋棟撓楹腐知幾春豈然此壁獨亡

恙老槎勁翻完如新向來却火何自免叱呵守護疑

有神妖狐九尾穴中國共置不問如越秦天生此物

合致用下鞴指呼端在人會當原野酒毛血坐令

萬里清煙塵老眼還憂不及見詩成肝胆空輪困春

酣亭在城東宋刺史唐庚建捫參閣在州北五里方

與勝覽捫參閣在州北天池山巔有池方數丈冬夏

不竭

陸游遊天池院云上方細路蟠如縮下有晴川

平似坂近水遠山皆可人踴躍來供搜奇眼小

池中有江湖春孤洲便可呼白萍團

城東六十里

團倚檻看清澈不敢洗耳山僧噴

會觀宏治間居民廖天惠者募工畫壁版已施膠粉

偶以事去旬月不至每夜靜聞殿內有聲籟籟然比

工來啓視畫已就矣妙跡天成莫測起止至今尚存

又循安昌水南行過翥鶴堰安昌水今名草石河河

中有石特立上刻飛雲翥鶴四字年月無考堰係乾

隆二十一年綿州牧費元龍創修羅克昌繼之至二

十四年始成灌州東田百餘頃民甚利之元龍字雲

軒浙江歸安人克昌字朴齋江南高郵州人俱雍正

七年

庚戌進士又十里至金山驛李膺益州記云金山在涪縣東五里下臨澗水光彩映川長七八里每夏淹雨金粟散出又十五里至皂角舖

二十三日自皂角舖西行山阜平遠環抱江村下視

畦田縱橫如扇十里至新店董新策綿州永興寺茶亭值雨題壁云白馬關

前石子坡油衣毡笠幾經過一鞭十里至鷄鳴橋橋

又指陽平雨愁聽綿州瓦鼓歌東有鷄鳴寺旁有石如鷄相傳每五更村鄰聞石鷄

先鳴羣鷄乃唱道士羅公遠經其地祝曰金鷄莫向

夜中啼石忽裂有鷄飛鳴而去後遂不聞今遺趾猶

存十里至金山舖三十里渡羅江方輿勝覽羅江兩

水相蹴成羅紋故名卽酈注五城水也一謂之潺水

羅江有二源一出西番疊溪營城西北名黑水卽古

翼水東南流經茂州又東南逕安縣浮山南又東南

入州境五代時董璋破西川兵于黑水遂克漢州卽

此水也一出安縣西山初流如帶深僅漸車由睢水

關東南流入州界名乾河至州西之南村與黑水合

波流灤折因名羅江又東逕潺亭南江北岸有潺亭

廟酈注潺水歷潺亭而下指此陸游羅江驛翠望亭讀宋景文公詩云撲

馬征塵拂不開高亭欹帽一徘徊蜀山地曠稀逢雪
 閨歲春遲未見梅坡水近人無鷺下烟林藏寺有鐘
 來宋公出牧曾題壁錦段雖殘試剪裁王士正羅江
 驛夜雨云前旌已拂鹿頭關風雨勾留不肯開何處
 行人最愁絕潯潯又南逕州城北又南名斜潭河又東
 亭亭下水潯潯南入中江界經陽平鎮陽平即綿州巴歌所稱陽平
 關撒白兩者非寧羌北之陽平關也由陽平東逕鷄
 冠山北其南為崆峒山一名空洞山有洞深莫測可
 容千人又東南名五城水逕中江城西折而東趨至
 三臺縣城南入涪羅江之南岸即綿州治本漢涪縣
 地晉置萬安縣宋齊因之隋置金山郡有萬安縣舊

曰孱亭西魏置萬安郡開皇初郡廢唐屬綿州天寶
 元年改曰羅江 國朝順治十六年併入德陽雍正
 七年復置羅江乾隆三十六年綿州被水移州治于
 此縣途裁 楊慎送余學官歸羅江云豆子山打瓦鼓
 楊坪關撒白雨下白雨取龍女織得絹二
丈五一半屬羅江一半屬元武我誦
綿州歌思鄉心獨苦送君歸羅江浦 圖經唐明皇幸
 蜀至萬安驛嘆曰一安且不可况萬安乎乃回輦宿
 于真明寺按驛在治西一里昔有碑書一安且不可
 句云是元宗親筆今毀宋張纘詩云勁兵重鎮付胡
 奴毆雀毆魚計自踈地入萬安知幾許堪憐此地始

回車名勝志元宗入蜀縣令造亭于城北一里祇候
 土人呼為接王亭遺址猶存又二里有企仙亭乃車
 岩上昇處宋師堯俞有記又十里至鹿頭關舊唐書
 地理志漢州德陽縣有鹿頭關關在鹿頭山上南距
 成都百五十里杜甫鹿頭山云鹿頭何亭亭是日慰
 飢渴連山西南斷俯見千里豁遊子
 出京華劍門不可越及茲險阻盡始喜原野濶殊方
 昔三分霸氣會間發天下今一家雲端失雙闕悠然
 想揚馬繼起名碑元有文令人傷何處埋爾骨紆餘
 脂膏地慘澹豪俠窟仗鉞非老臣宣風豈專達冀公
 柱石姿論道邦國活斯人亦何幸公鎮踰歲月元和郡縣志鹿頭戍在德陽
 縣北三十八里寰宇記古老云昔有張鹿頭居此因

以為名山巔有龐士元墓蜀志龐統字士元襄陽人
 少朴鈍未有識者潁川司馬徽清雅有知人鑒統往
 見徽徽採桑於樹上坐統樹下共語自晝至夜徽甚
 異之稱統當為南州士之冠冕後郡命為功曹先主
 領荊州牧統以從事守耒陽令在縣不治免官吳將
 魯肅遺先主書曰龐士元非百里才也使處治中別
 駕之任始當展其驥足耳諸葛亮亦言之于先主先
 主與譚大器之以為治中從事親信亞于諸葛亮遂
 與亮並為軍師中郎將隨先主入蜀進三計先主然

其中計斬懷沛向成都所過輒克于涪大會置酒作
 樂進圍雒縣統率眾攻城為流矢所中卒年三十六
 先主痛惜言為流涕賜爵關內侯謚曰靖侯習鑿齒
 襄陽記劉備訪世事于司馬德操操曰此間有伏龍
 鳳雛備問為誰曰諸葛孔明龐士元也士元死葬鹿
 頭關下後人因名其山為落鳳坡曹學佺蜀中名勝
 記鹿頭山下名落鳳坡按鳳雛先生龐士元侍昭烈
 至此卒于流矢其葬在鹿頭關桃花溪之東岸秦蜀
 後記落鳳坡上有諸葛公龐靖侯祠祠燬于獻賊惟

祠門石後狷尚存其一有碑題龍鳳二公祠

王士正落鳳坡

弔龐士元云沔上風流萬古存魚梁洲畔向江村何
 如但作鴻冥好采藥相攜去鹿門董新策龐靖侯墓
 云鳳雛英爽此長留落鳳坡高峙古邱故壘風雲關
 塞晚亂山松檟廟門秋既會坏土藏弓劍應有專祠
 薦卑占村賽無人稽典
 禮一龕兼祀武鄉侯 方輿紀要鹿頭關東西兩川
 之要道也唐建中四年劔南西山兵馬使張朮作亂
 入成都鹿頭戍將叱千遂討平之元和元年劉闢以
 西川叛詔高崇文討之闢城鹿頭關連八柵屯兵拒
 守崇文擊敗之又置柵于關東萬勝堆崇文遣將高
 霞寓攻奪之下瞰關城八戰皆捷遂擒闢中和元年

黃巢亂關中帝自興元幸蜀西川節度使陳敬瑄迎謁于鹿頭關四年楊師立以東川叛高仁厚自西川進討屯德陽師立遣將鄭君雄據鹿頭關拒之仁厚曰攻之則彼利我傷因列二寨圍之既而悉衆陳于鹿頭關下君雄出戰敗遂棄關走仁厚進圍梓州光啟三年王建自閬州應田令孜之召請西川陳敬瑄復拒之建怒破鹿頭關敗西川兵于綿竹拔漢州後唐同光三年李紹琛將前鋒伐蜀至綿州綿江浮梁爲蜀人所斷紹琛謂李嚴曰吾懸軍深入利在速戰

但得百騎過鹿頭關彼且迎降不暇遂乘馬浮渡襲入鹿頭關進據漢州蜀人迎降杜甫詩連山西南斷俯見千里豁蓋自關以西道皆坦平故西川恒恃此爲巨防也關之西五里大霍山一名羅墳山寰宇記羅墳山在羅江縣西南羅公遠曾隱于此今名大霍山上有龍洞真誥云羅江大霍洞臺中有五色隱芝陶註曰此洞爲南真及司命所任之地今龍洞尚存有巨石當其口洞甚狹僅容人佝僂而入斜行數步漸濶可容六七八人高約丈許旁有溝水流聲灑灑隨

洞曲折間有積沙擁道旁兩崖甚修潔若人洒掃者然但無日月漏光去洞口約十餘里有巨石形如磨磬潤文許光平可鑑中一柱突起約高二尺餘宛然玉筍不假雕鑿嘗有居民持燭入洞行數晝夜莫知所止唯見大蝙蝠如蒲扇如車輪者不計其數岩穴皆夜明砂有一粒重五六錢者真仙靈窟宅也鹿頭關東南三里爲羅真觀觀中有古銅鼎廟宇甚壯麗松栢滿山皆數百年物名勝志大霍山在縣西南十里羅公遠修真處也上有羅真宮宋何彥真有記山

麓有丈餘盤石耕者每宿其上輒夢人云接引佛上可宿耶驚以告寺僧掘其下果得像若天成不事雕琢按劉敬叔異苑所載羅江縣釋僧羣者居霍山構立茅屋上有石池如盂深可六尺常出清泉卽此又西南五里至林坎鎮蜀山至此而盡臨坎一名靈龕有閣跨水德陽令周際虞聯云江頭沃野開千里嶺外蠶叢接九霄又五里渡綿水華陽國志綿水出紫巖山經綿竹入洛東流過資中會江陽皆溉灌稻田膏潤稼穡是以蜀人稱綿洛爲浸沃也今按綿水出

茂州雪山歷山間行二百餘里過土司大壩寨後出山口逕綿竹縣西北三十里至綿堰口又東南九十里入德陽界又東南四十里逕黃許鎮北又東南二十里土溪河水自西來入之又東南十五里入漢州界逕連山東湧泉水入之湧泉在漢州東北三十五里朱光庭錄異記漢州赤水有湧泉水脉五六自山下湧出積成大池三二百步可激碓磴流爲大溪四川通志湧泉有大小二泉大者在高原形如仰釜周廻千餘丈水如沸不可測常見有異物如牛浮戲水

上見人卽隱小者在平地數脉湧出如玉田沙綿水又南十五里入石亭水蜀都賦浸以綿洛是也世謂之綿陽河綿水南岸黃許鎮本漢綿竹故城漢更始二年遣李寶等徇蜀公孫述遣其弟恢逆擊于綿竹大破走之述因自立爲蜀王建安十八年昭烈規取成都進屯涪劉瓚等拒之敗保綿竹尋降炎興初諸葛瞻拒鄧艾至涪前鋒破退還綿竹卽此寰宇記綿竹故城在德陽縣北三十五里又五里至孟家店彭端漱孟家店云雲中十八棧回望尚竊歎不歷崎嶇盡焉知平野舒故鄉遙在眼小店暫停車沽酒勞童僕

難辛半 計自寶鷄入山至此行千六百里所歷水之

最著者十曰渭曰褒曰沔曰潛曰嘉陵江曰強曰潼

曰涪曰羅江曰綿嶺之最著者八曰煎茶嶺曰鳳嶺

曰柴關嶺曰馬鞍嶺曰七盤嶺曰新開嶺曰黃荆嶺

曰白衛嶺關之最著者十五曰二里關曰石關曰晝

眉關曰青羊關曰虎頭關曰界牌關曰武關曰鷄頭

關曰百牢關曰武丁關曰牢固關曰七盤關曰朝天

關曰劔關曰鹿頭關山三日木寨山曰牛頭山曰七

曲山坡四曰閔家坡曰七里坡曰五里坡曰武連坡

塠三曰觀音塠曰燕子塠曰陰塠閣三曰龍門閣曰

飛仙閣曰石櫃閣而鳳嶺鷄頭關七盤關龍門閣朝

天關牛頭山尤為險絕李白云蜀道之難難于上青

天信非虛語也

二十四日由孟家店南行經仙人橋雲笈七籤德陽

縣北二十里秦時韓仲修煉之所橋所由名也旁有

秦真觀 李調元仙人橋云嬴氏翦六國黔首無燕類

韓仲至得非武陵人別支居此地當時巴苴平蠻風

尚敦摯混沌日以鑿往來豎郵置流俗好荒唐代遠

傳聞異人謬稱為仙吾特重高義古觀創何年長

繫駟騎田禾何時來候吏倦欲睡致令房半落案作

馬槽餒仲昔于此棲吾今一暫寄擗柳一畝十里至陰蘆荻四面庇誰家牧犢見猶爭角觚戲

牛耳舖五里逕五里堆有漢大司農秦宓故里石碣蜀志秦宓字子敕廣漢綿竹人少有才學州郡辟命輒稱疾不往先主既定益州辟宓為從事祭酒先主稱尊將東征吳宓陳天時必無其利坐下獄幽閉後貸出建興二年丞相亮領益州牧選宓迎為別駕尋拜左中郎將長水校尉吳遣使張溫來聘百官往餞衆人皆集而宓不至亮累遣使促之溫曰彼何人也亮曰益州學士也及至溫問曰君學乎宓曰五尺童

子皆學何必小人溫復問曰天有頭乎宓曰有曰在何方也宓曰在西方詩曰乃眷西顧以此推之頭在西方溫曰天有耳乎宓曰天處高而聽卑詩云鶴鳴于九臯聲聞于天若其無耳何以聽之溫曰天有足乎宓曰有詩云天步艱難之子不猶若其無足何以步之溫曰天有姓乎宓曰有曰何姓宓曰姓劉溫曰何以知之答曰天子姓劉故以此知之溫曰日生于東乎宓曰雖生于東而沒于西答問如響應聲而出溫大敬服遷大司農四年卒初宓見帝系之文五帝

皆同一族宓辨其不然又論皇帝王霸養龍之說甚
 有通理譙允南少時數往諮訪記錄其言于春秋然
 否論元和志秦宓宅在縣北五里其地曰三造亭初
 太守夏纂三造其門故名鄭王臣三造亭云秦君懿
 文德斐然采藻揚屢辭州
 府辟林澤恣徜徉懷玉不自銜終難闕其光太守三
 枉駕軒蓋溢門墻行厨出華膳置酒君子堂賓從盡
 俊彥吐辭生芬芳緇衣義不薄積久聲彌彰我行左
 綿野山高而水長虛堂幽且敞林木鬱蒼蒼竚立結
 遙想仰視元鶴翔李調元秦宓墓云纍塚荒村外人
 傳祭酒墳一朝天有姓三造地無存禾黍秋風滿荆
 榛落日昏永安遺命日應愧此中魂又五里至德陽縣本漢廣漢郡綿
 維二縣地唐武德三年始析維置德陽縣元至元八

年陞為德州十三年復為縣元和志縣西南至漢州
 四十五里本漢維縣與綿竹縣地按漢晉置德陽縣
 卽今遂寧縣或以為漢置在今梓潼界晉置在故廣
 漢界者皆誤縣治內有旌陽丹井四川通志旌陽丹
 井在縣治內有地穴通洪都鐵樹宮井相傳許真君
 官此每欲省家輒暮從井中隱去詰朝又自井出視
 事如故人不覺出入以手按銀床久遺掌痕其上按
 列仙傳許遜字敬之南昌人晉太康初為旌陽令尋
 棄官歸遇誑母傳以道術遂斬蛇誅蛟悉除民害于

雲木系和 卷七
七
豫章牙城南井鑄鐵爲柱下施八索鎮鎮地脉自是
水妖屏跡至寧康二年一百三十歲舉家仙去無官
德陽事且德陽置于唐晉時尚無城郭何有于治內
之井事屬幽謬不見正史未可盡信也城內有東漢
孝子姜士遊故里坊後漢書廣漢姜詩妻者同郡龐
盛之女也詩事母至孝妻奉順尤篤母好飲江水水
去舍六七里妻常泝流而汲後值風不時得還母渴
詩責而遣之妻乃寄止鄰舍晝夜紡績市珍羞使鄰
母以意自遺其姑如是者久之姑怪問鄰母鄰母具

對姑感慙呼還恩養愈謹其子後因遠汲溺死妻恐
姑哀傷不敢言而託以行學不在姑嗜魚鱠又不能
獨食夫婦常力作供餽呼鄰母共之舍側忽有湧泉
味如江水每旦輒出雙鯉常以供二母之膳赤眉散
賊經詩里弛兵而過曰驚大孝必觸鬼神時歲荒賊
乃遺詩米肉受而埋之比落蒙其安全永平三年察
孝顯宗詔曰大孝入朝凡諸舉者亦聽平之由是皆
拜郎中詩尋除江陽令卒于官所居治鄉人爲之立
祀水經注雒縣有沈鄉去江七里姜士遊之所居詩

至孝母好飲江水常以鷄鳴泝流汲江子坐取水溺
死婦恐姑知稱託遊學冬夏衣服實投江流于是至
孝上通湧泉出其舍側有江之甘焉詩有田濱江澤
鹵泉流所溉盡為沃野元和志姜詩泉在德陽縣北
三十九里宋治平中綿竹令郭震易其名曰孝泉為
建祠勅曰孝感鄭王臣姜士遊祠云白華被幽薄朱
萼媚芳晨姜公至孝者竭力奉慈親
閨中有賢婦出汲江水濱遺篋不敢怒紡績供常珍
幽隱理不隔精誠格蒼旻江水湧舍側日出雙朱鱗
烹鱗佐蘭膳藹藹堂中春盜賊慕高義安全及比鄰
至今遺祠在馨香薦藻蘋淳風激薄俗此義為重陳
又西南十里至竹林舖十里至大漢鎮又十里渡石

亭水至小漢鎮石亭水即古洛水也水經注洛水出
洛縣漳山常璩云李冰導洛通山水流發瀑口逕什
邠縣南流入洛名勝志什邠高境關外即章烙山亦
曰章山又曰洛通又曰楊村諸山物產出焉華陽國
志謂大姓楊氏之所居矣山有風洞即之氣冷有火
洞即之氣熱古老傳云苻堅有子避難死于洛通山
即此古碑云江水出高境關大郎廟前始大放分流
十支又云自章山內合五溪而總名洛江出章山分
洛江為十河縣之名即從起也華陽國志李冰水道水

雲南紀程 卷七
手浴通山出章山後厓有大冢碑云秦李冰葬所按
開山記云什邡公墓化上有升仙臺爲李冰飛昇之
處古蜀記謂李冰功配夏后升仙在後城化藏衣冠
于章山冢中今按石亭水源出茂州文政堡東南流
逕什邡高境關南一支南流入漢州爲白魚河一支
東南流逕綿竹縣火燒堰又東南逕石亭鋪晉永康
二年趙廞叛李特李流軍綿竹廞使費遠斷北道屯
綿竹之石亭卽此也又東入德陽縣界逕大漢鎮南
又東入漢州界一名漢江平蜀傳洪武四年五月已

未傳友德兵至漢江阻水未渡造舟以濟已卯至漢
州欲以軍中消息達湯和而山川懸隔卒莫能通適
水漲乃以木牌數千書克階文歲月投漢江順流而
下守者見之爲之解體六月壬午友德攻漢州守將
向大亨悉兵出戰敗走遂克漢州又東南至茅包堰
與雁江合又東至銅盤山與綿水合寰宇記銅盤山
在金堂縣西北二十里李八百昔遊此山側有洞莫
知所止又有石庵一所內有丹竈今俗名火盆山又
東十五里至趙家渡與湔水合入金堂峽漢州志以

沉犀江爲洛水而不知石亭水爲洛之正流白魚河沉犀江皆其支派也由小漢鎮南十里渡白魚橋下水出什邡高境關首受石亭水東流至州西逕岳家場又東至鳳凰嘴入石亭江又六里逕雲版山西山只土阜以形名一名明本山因其地爲僧明本故居也四川通志明本漢州人少育于姊夫高晟家代薪爨一日載薪山中驢不行忽斫其耳血流被地心卽悔悟遂祝髮爲僧入什邡高山寺安鉢功行極苦坐化日人有自瑩華山來者見本隻履入山云失一

履于禪榻下可令吾徒寄送見者至寺方知其已坐化云又二里度沉犀橋卽洛水也源出什邡縣楊村口逕其縣南東流逕上龍橋至高平舖北入州境逕州城北與雁江合圖經洛水在治東半里又名沉犀水水性剛宜淬刀與信州葛溪同雒字從水漢火德忌水故改從雒水經注洛水又南逕洛縣故城南廣漢郡治也漢高祖之爲漢王也發巴渝之士北定三秦六年乃分巴蜀置廣漢郡于乘鄉王莽之就都縣曰吾雒也漢安帝永初二年移治涪城後治雒縣先

是雒縣城南每陰雨常有哭聲聞于府中積數十年
沛國陳寵爲守以亂世多死亡暴骸不葬故也乃悉
收葬之哭聲遂絕益州舊以蜀郡廣漢犍爲爲三蜀
土地沃美人士雋又一州稱望又一里渡金雁橋至
漢州橋下水名雁江源出彭縣五峯山經壩口鎮南
又東會諸山澗水逕彭門山下出三郎鎮分二支南
一支名馬木河北一支則鴨子河也鴨子河東流入
什邡界逕馬脚井又東至鎖口林入漢州境逕漢州
城北名雁江又東至茅包堰入石亭水蜀志先主進

軍圍雒時璋子循守城被攻且一年十九年夏雒城
破益部耆舊雜記劉璋遣張任劉瓚率精兵拒捍先
主于涪爲先主所破退與璋子循守雒城任勒兵出
于雁橋戰復敗禽任先主聞任之忠勇令軍降之任
厲聲曰老臣終不復事二主矣乃殺之先主歎息焉
後人建祠奉爲土神劉青黎雁橋戰云却怪巴州守
至竟不斷頭輪他雁橋戰一死
足千秋今墓在金雁橋北二里許相傳有人盜葬墓旁
夜焚其父切責之以爲逼近張將軍將獲重譴其人
因速遷之雁橋南卽漢州本古蜀國漢高帝六年分

蜀地置廣漢郡于乘鄉領縣十二置雒縣屬廣漢郡
 廣漢名始此後漢移廣漢郡及益州皆治此晉泰始
 二年改新都郡治太康六年罷新都仍為廣漢郡治
 隋開皇初郡廢改縣曰綿竹大業初復改曰雒唐垂
 拱二年於縣置漢州天寶初改德陽郡乾元初復曰
 漢州屬劔南道元中統中省雒縣入州屬成都路明
 屬成都府韋莊漢州云北儂初到漢州城郭邑樓臺
 觸目驚松桂影中旌飾色菱荷風裏管絃
 聲人心不似經離亂時運還應却太平十日醉眠金
 雁驛臨歧無限臉波橫王士正漢州紀夢云照壁孤
 檠不自聊隔牕寒雨打紅蕉驚回
 一枕鄉園夢身在西川金雁橋名勝志漢選廣漢

太守每重德高俊奏章禮物殊于諸郡前有趙護第
 五伯魚後有陳寵趙瑤皆公望也州治內廳前有房
 公石唐房瑄刺漢州時所置瑄字次律河南人少好
 學隱陸渾山十年不出開元中作封禪書說張說說
 奇之授盧氏令屢遷至吏部尚書同平章事後以陳
 濤之敗出為漢州刺史在郡多所建置鑿西湖為遊
 玩之所又立石于治廳后人號曰房公石上無題識
 更歷宋元至明楊升菴乃為記刻于石丹淵集云聶
 侯友仲立漢州學制度宏侈為二蜀之冠當時不知

何所得巨石置講堂之後質狀怪偉勢若飛動昔孟
氏僭竊苑囿所蓄者皆寧武軍節度使顧璘所進昶
既面縛是物亦散落民間余在成都往往見于好事
家園館凡自璘許來者一一皆具款勒此非耳而其
完厚瓌詭上下可愛雖牛奇章號為好事諒亦未嘗
見此者也治平丙午秋余視郡進士試於此旦暮環
繞其下歎惜之不足乃為之銘其辭曰廣漢學宮後
有奇石礫礪一抱嶽崑九尺怒蜃驤首狂龍轉脊擎
空將翻歷地欲坼神乳溜腹老苔漬額堅包勁臂潤

吐活脉誇殺羽人詠窮墨客敢告存護千古怪碧今
其石無存有七星井在州城內元妙觀漢嚴君平賣
卜于此相州形勢南高北下水不勝火因鑿井塵間
上應七星杓指南方以厭勝之城北有君平卜臺寔
字記君平卜臺在雁橋東臺高數丈李調元君平卜
卦臺云君平有
遺跡乃在雒城隈不見支機石空留卜卦臺斷碑講
臥蘆荻小廟沒蒿萊自料升沉定先生不用猜
道臺在治東一統志程頤侍其父珣官于蜀嘗見籒
桶者夾冊就視之則易也因質所疑酬答如響問其
姓各不言問未濟男之窮曰三陽皆失位也後袁滋

問易伊川曰易學在蜀今開元寺前講道臺卽二程講道處也南軒院在治北祀張南軒先生先生名栻字敬夫忠獻公子州屬綿竹人從胡五峯先生授學嘗著論語說行于世精義利之辨發前哲所未究朱子稱其天資甚高聞道甚蚤學足以名于世而未嘗一日自足仕至荊州牧卒今院其讀書處也蜀志外紀張咸漢州人應制舉初出蜀過夔州郡守知名士也一見遇之甚厚因問四科優劣之差見于何書張無以對守曰載孟子註中檢示之且曰不可不牢攬

之也張道中構思著論成篇至都閣試日以此爲首題張更不注思而就主文范淳夫也覽之大喜遂置第一張卽忠獻公父也文獻通考張君說文集二十卷張咸著咸字元說登元豐進士元祐初詔復六科哲宗親擢第一卒官成都節度判官宋史浚字德遠靖康進士孝宗時力主恢復拜尚書僕射同中書門下平章事兼樞密使卒贈魏國公諡忠獻又廣漢陽翁偉能聽鳥獸之音乘蹇馬之野田間有放馬者相去數里鳴聲相聞翁偉謂其御曰彼放馬目眇其御

雲林雜錄 卷七
日何以知之曰彼罵此轅中蹇馬蹇馬亦罵之日眇
馬御者不信往視之馬目果眇後漢書郭玉廣漢雜
人也初有父老不知何許人常魚釣于涪水因號涪
翁乞食人間見有疾者時下鍼石輒應乃著鍼診經
法弟子程高尋求積年翁乃授之高亦隱迹不仕玉
少師事高學方診六徵之技陰陽隱測之術和帝時
當太醫丞多有效應帝奇之因令嬖臣美腕與女子
雜處帷中使玉各診一手問所疾苦玉曰左陰右陽
脉有男女狀若異人臣疑其故帝嘆息稱善玉仁愛

不矜雖貧賤廝養必盡心力醫之療貴人時或不愈
帝召玉詰其狀對曰醫之爲言意也腠理至微隨氣
用巧鍼石之間毫芒卽乖神存于心手之際可得解
而不可言也貴人處尊高以臨臣臣懷怖懼以承之
其爲療也有四難自用意而不任臣一也持身不謹
二也骨節不強不能使藥三也好逸惡勞四也且臣
重以恐懼之心加以裁慎之志意猶不盡何有于病
哉此其所以多不愈也帝善其對宋史蘓雲卿廣漢
人紹興間客豫章東湖詰廬獨居少與張浚爲布衣

雲杉系和 卷一
交浚爲相馳書函金幣屬豫章帥及漕曰余鄉人蘇
雲卿管樂流亞聞灌園東湖幸爲我致之帥漕乃屏
騎更服爲游士入其園翁曰二客何來延入室意稍
洽扣其鄉里曰廣漢人客曰張德遠廣漢人翁當識
之曰然又問德遠何如人曰賢人也第長于知君子
短于知小人德有餘而才不足二客起而言曰張公
令某等致公共濟大業因出書函金幣寘几上二客
力請共載辭不可期以詰朝上謁且遣使迎伺則扁
戶闐然掛闥入書幣不啟家具如故而翁已遁矣帥

漕復命浚柎凡嘆曰求之不早實懷竊位之羞作箴
以識之曰雲卿風節高于傅霖予期與之共濟當今
山潛水杳逸不可尋弗力弗早余罪曷鍼竹垞詩話
廖俊字文英號竹崖蒲圻人景泰元年舉人爲漢州
學正一日過開元寺聞諸僧誦經聲甚清朗嘆曰不
愈于學生乎乃擇其年幼者四人趙杲方璧周冕張
敖置先賢堂中朝夕詢之後杲舉進士璧冕皆領鄉
薦敖亦由貢生授府通判竹崖再調嘉定手植海棠
于學賦詩云曾于雨裏覓蒼苔幽洞移來手自栽枝

翰已成人欲去好花他日為誰開

雲棧紀程卷七

雲棧紀程卷八

廣漢 張邦伸 雲谷編輯

自漢州至成都

二十五日由漢州西南行過房公湖即房瑄為刺史
 時鑿者一名西湖凡數百畝洲島回環亭堂臺榭甚
 多同時高適杜甫皆嘗賦詩其中後李德裕劉禹錫
 鄭澣諸人亦有唱酬傳為盛事房瑄西湖既成作高
 壚決渠信浩蕩潭島成江湖結宇依迴渚水中信可
 居三伏氣不蒸四達暑且徂同人千里駕鄰國五馬
 車月出共登舟風生隨所如舉麾指極浦欲極更盤
 紆繚繞多宛致夜靜情有餘遭亂意不開即理還暫

祛安得長語使我憂更除杜甫陪王漢州留杜綿
 州泛房公西湖云舊相思追後春池賞不稀闕庭分
 未到舟楫有光輝鼓化蕙絲熟刀鳴繪縷飛使君雙
 皂蓋灘淺正相依李德裕月夕遊房太尉西湖云丞
 相鳴琴地何年閉玉徽偶因明月夕重敞故樓扉桃
 李溪空在芙蓉客暫依誰憐濟川楫長與夜舟歸劉
 禹錫和在芙蓉客暫依誰憐濟川楫長與夜舟歸劉
 月助登臨榮駐青油騎高張白雪音祇言酬唱美良
 史記王篋陸游遊漢州西湖云房公一跌叢衆毀八
 年漢州為刺史遠城鑿湖一百頃島嶼曲折三四里
 小菴靜院穿竹入危梯飛樓壓城起空濛烟雨媚松
 楠顛倒風霜老葦葦日月苦長身苦閒萬事不理看
 湖水向來愛琴雖一癖觀過自足知夫子畫船載酒
 凌湖光想公樂飲千萬場嘆息風流今未泯兩川名
 醞避鵝黃王士正漢州西湖云當年房次律此地鑿
 西湖百頃烟波渺中流島嶼孤琴亭何寂寞片石亦
 榛蕪欲問邢和宋熙寧中奏懇為田路西有萬人墳
 璞三生事有無

蜀碧賊略漢州驅州人於城西盡屠之楊展追賊至

漢州不及封遺骨而還識其碣曰萬人墳碑陰有獻

賊舊刻天以萬物與人人無一物與天鬼神冥冥自

思自量二十字又五里渡石梯橋橋下水名馬木河

源出三郎鎮與鴨子河分流逕什邡入州境東流與

濛水合名勝志石梯橋河源亦出棚口河岸甃石如

階級故名橋下出緇土可以代墨又南一里渡西成

橋橋下水即濛水也寰宇記源出琅岐山經濛陽故

縣南二百五十步俗呼武侯水後唐長興三年孟知

祥敗董璋追至武侯津卽此水也今按水出彭縣琅岐山經濛陽故城南東北流入漢州界逕西成橋又東入清白江由西成橋南行五里至姚景橋嘉靖州民姚景獨力修造州守嘉之因以名橋又十里至藍家店渡清白江卽湔水也漢志綿虎縣玉壘山湔水所出東南至江陽入江呂忱云一名半浣水宋河渠志新石洞口溉導江崇寧九隴濛陽達于漢之雒是爲湔水今按水導源岷江東北流逕灌縣崇寧至彭縣界玉村河自西來入之玉村河源出彭縣五峯

山卽玉壘山郭景純所謂玉壘作東別之標者也又東北流逕住春林正流入新繁新都金堂爲錦水河北一支東北流入新繁分二支東一支入新都爲枳橋河北一支逕三邑橋入漢州界爲清白江宋趙抃嘗涉此曰吾志如清江白雖萬類混其中不少濁也因是得名又東流逕藍家店又東北流至三水關濛水北來入之又東至焦沙尾合綿洛諸水入金堂峽由藍家店南行五里至彌牟鎮鎮東有諸葛武侯八陣圖遺址并楊升菴八陣圖碑記

王士正彌牟道中望八陣圖遺址云

落日彌牟道霜風百戰場青天迴玉壘遠樹出華陽
陸海三都閣雄圖八陣荒臥龍虛故蹟駐馬惜降王
蜀志孔明演兵法作八陣圖咸得其要圖經考八陣
圖凡四其在新都之彌牟鎮者一百二十有八當頭
陣法也在夔州魚復浦者六十有四方陣法也在沔
陽之高平壘者二百五十有六下營法也在益州城
東南隅棋盤市者亦云二百五十有六今無其蹟在
魚復者蓋侯從先主伐吳防守江路行營布伍之遺
制沔陽爲侯駐軍之所彌牟鎮棋盤市密邇成都則
其恒時講武之場也李膺益州記稚子關北五里有

武侯八陣圖土城四門中起六十四魁八八爲行魁
方一丈高三尺緯略曰八陣圖在新都者峙土爲魁
植以江石四門二首六十四魁八八成行兩陣竝峙
周凡四百七十二步魁百二十有八趙清獻公集謂
武侯於八陣鄉以土爲隆基凡一百三十所蓋左右
六十四前二每基下五六寸皆江石也耆老相傳其
石蓋六數武侯於此教戰陣出入之法舊記謂四面
開四門起六十四魁應六十四卦八八爲行周回四
百七十二步所謂六十四魁但得其半耳按八陣之

數本于易其六十四魁者卽六十四卦之數也重之則爲數一百二十有八四倍之則二百五十有六與風后握奇相表裏後馬隆之車廂鹿角李靖之六花等名皆祖其意爲之其縱橫變化之妙非神明于兵家言者莫能窺也又南五里路西有東漢循吏王稚子墓及石闕秦蜀後記南過漢兗州刺史雒陽令王君稚子雙闕其一又題侍御史河內縣令樂府鴈門太守行孝和帝在時洛陽令王君本自益州廣漢蜀民又云從溫補洛陽令卽此而題鴈門太守未詳吳

競作樂府解題亦嘗疑之又南渡督橋河河水自新繁清白江分流入新都境又東流入金堂逕古城鎮至斜灘渡入錦水河又南八里至牛頭鎮方輿紀要萬歷中奢崇明作亂自重慶蔓延而西入新都官軍敗之于牛頭鎮卽此又一里至新都縣縣漢置屬廣漢郡法正依劉璋爲新都令梁改始康郡西魏郡廢隋開皇十八年改曰興樂大業初省入成都唐武德二年復置縣屬成都府縣北寶光寺有寶光塔唐悟達禪師重修舊塔掘地得石函中有舍利十三顆因

建浮圖名無垢淨光僖宗幸蜀嘗駐蹕于此寺後有遺礎方圍一丈二尺圓徑二尺高一丈八寸鐫有明御史盧雍銘及升菴詩城南路旁有明少師文華殿大學士兼太子太師楊文忠公華表文忠墓在路西升菴耐焉王士正新都題楊升菴先生故宅云侍臣遷謫後常憶泰陵園詞賦留金齒生還望玉門交州無土爨南海得虞按有明新都楊氏科名最盛文忠公首相兩朝有除難定策之功升菴先生曠世奇才博聞強記以議大禮跪門哭諫下獄廷杖謫戍滇南一蹶不復振至寄情聲伎落魄不羈良足

悲矣其與劉嵩陽書云束髮以還頗厭進取幸茲荒戍瑟居得以息黥補削自惟千鈞之弩一發不鵠則永毀矣故無寧效昔人放于酒放于賞物且文有仗境生情詩或託物起興如崔延伯每臨陣則召田僧超爲壯士歌宋子京修史使麗豎斃椽燭吳元中起草令遠山磨喻麋是或一道也走豈能執鞭古人聊以耗壯心遺餘年所謂老顛欲裂風景者良亦有之不知我者不可聞此言知我者不可不聞此言百世下讀之如聽雍門琴令人淒咽欲絕簡紹芳敘先生

年譜云生平著述四百餘種故佚頗多學者恨未睹

其全也李調元謝楊升菴先生祠云蔓草高墳鼻鼻

郭外留荒祠當時議禮主者誰撼門一慟先生為紛

紛漢議何其卑程朱正論我守之批鱗履尾何敢辭

吾輩不朽方在茲大禮未定身先危折檻牽裾忠見

疑瑣萼首事居貨奇豐坊曲論天子毗逢君不顧干

載啞明堂聚訟復參差餘毒得母鈴山遺嗟哉南竄

無歸期越睽老過羣相嬉鱗膽燦膚濕淋漓天使老

啖蛤雄雌了髻盤頭面傳脂插花擁妓相嫵媚胸中

錦繡何處搗醉來裙衫當臨池吐氣蟠屈成蛟螭

兒撫掌都盧吹箏會峒獠皆來窺丹鉛錄成識者稀

何異正則離騷詞小橋獨樹明斜曉聲鷓鴣啼竹

籬松杉一逕流水漸古屋破脫風颯颯葛巾草屨山

人姿遺像突兀難委隨潮陽簷耳同一悲淚沾楓菊

為殘萎先生亮節風所思况逢瞻拜欽丰又西南渡

儀試哦海畔孤臣詩不覺泣下如綆縈

錦水河即沱江也禹貢岷山導江東別為沱孔安國

書傳江東南流沱東行郭璞爾雅音義沱水自都安

湔堰與江別而更流水經注江水歷都安縣李永作

大堰于此其堰於江作壩壩有左右口謂之湔壩益

州記江至都安堰其右檢其左其正流遂東宋河渠

志阜江支流迤北曰都江口置大堰疏北流為三東

曰外應口溉導江新繁新都達於金堂是為沱江東

北曰新石洞口溉導江崇寧九隴濛陽達於漢之雒

是為湔水東南曰馬騎口溉導江崇郫溫成都華陽

是爲流江按史記李冰穿二江成都之中沱名見寺
禹貢則非出于後人可知冰所穿者郫流江耳水經
注以沱水爲開明所鑿寰宇記又以爲李冰所穿俱
誤按大江出蕃地列鷺村至羊膊嶺分二派一支西
南流爲大渡河南經黎大所西折而東經建昌衛越
鴛營又東至嘉定州合青衣沫水又東入大江其正
支南流入溢村經汶川至灌縣離堆卽李冰所鑿者
冰嘗于水次立三石人五石犀以鎮水怪又犬書深
淘灘低作堰六字垂爲治水之法自離堆而下岐爲

數十股左抱成都西環崇慶以次會於新津縣南又
南流至敘府合金沙江折而東北流至瀘州與沱水
會是爲大江之正流一支自離堆江口分東北流爲
沱江逕灌縣城南逕崇寧縣城北又東北逕彭縣界
合玉村河至住春林北出一支爲清白江其正流南
出爲錦水河遶新繁縣城西南水經注郫江左對繁
田漢文翁穿湔洩以灌溉繁田一千七百頃是也又
東流二十里入新都界又東流二十五里毘橋河水
南來入之又東流二十五里入金堂界又東北流逕

姚家渡焦沙尾合綿洛諸水入金堂峽逕簡資內江富順至瀘州八大江漢志綿虎縣瀨水東南至江陽八江行千八百九十里世以沱江爲內水流江爲外水又有稱南江北江者王士正詩錦官城東內江流錦官城西外江流直到江陽始相見暫時小別不須愁謂是水也由錦水河西南行五里度毘橋河九域志縣有毘橋水源自灌口流入新繁名九井河相傳李冰所鑿象九宮以壓水怪又東流入縣界合錦水河蜀志毘橋在新都縣南十里晉永寧初李特攻成

都遣其弟驤軍於毘橋唐咸通十一年南詔攻成都成都將王晝軍毘橋均指此明德陽王嘗修治之一名德陽王橋由毘橋河西行三里渡小毘河至三河塲橋下水係毘橋河之岐出而復合者夾道多竹園掩映水濱菁葱可愛自孟家店至此涉水十一唯綿無附流之水其餘石亭江白魚河沉犀江三水俱謂之洛以其源出洛通山也鴨子河馬木河濛陽河清白江四水俱謂之瀨以彭縣五峯山舊屬瀨氏道也督橋河錦水河毘橋河三水俱謂之沱以其爲大江

分流也而瀟水中之清白江又與沱同源俱出瀟氏道徼外故古人謂瀟水卽沱水也至金堂峽諸水匯而爲一禹貢通謂之沱後人謂之內江三河場東名蠻子沱爲船貨停泊之所又西南行五里至天廻鎮明皇幸蜀返蹕駐此故名李白詩所謂地轉錦江成渭水天廻玉壘作長安是也圖經云有天廻山又南十里至將軍碑五里至歡喜菴路東昭覺寺卽孟蜀宣華苑宋建寺爲圓悟禪師道場 國初僧通醉號丈雪破山弟子也演教於此法徒甚衆年八十餘示

寂又五里至駟馬橋卽昇仙橋也昔魚鳧王張伯子乘虎仙去因以名橋水經注城北十里昇仙橋有送客觀司馬相如將入長安題其門曰不乘高車駟馬不過汝下後果如志焉又五里渡清遠橋至成都省蜀志清遠橋在成都城北不百步唐光啟三年王建攻成都田令孜登樓慰諭建與諸將羅拜於清遠橋上卽此橋下水名成都江括地志郫江一名成都江由灌縣走馬河分流東南逕崇寧縣南又東南逕郫縣北又東合九曲河逕犀浦卽李冰作石犀壓水怪

處也

杜甫石犀行云君不見秦時蜀大守刻石立作

人矜誇

一千載汎溢不及張儀樓今年灌口損戶口

此事或恐

為神羞終藉隄防出衆力高擁木石當清

秋先王作法

皆正道鬼怪何得參人謀嗟爾五犀不

經濟缺詭

只與長川逝但見元氣常調和自免洪濤

網再平水土

犀奔茫又東逕成都城北又東至合

江亭與大江

會成都省本古蜀國肇于人皇為蜀山

氏至黃帝為

其子昌意娶蜀山氏之女生子高陽封

其支庶于蜀

世為侯伯舜置十二牧蜀曰梁州至周

武王伐紂蜀

與焉周衰蜀侯蠶叢先七國稱王次王

曰栢灌次王

曰魚鳧其後王曰杜宇移治郫邑或治

蜀上七國稱

王杜宇稱帝杜宇禪位於其相鼈靈號

開明氏傳九世有開明尚復稱王徙治成都後與苴

巴相攻慎覲王五年為秦所滅置蜀郡漢亦曰蜀郡

屬益州

劉基蜀國弦云悲笳拍斷河水結湘靈曲終

蜀國周遭

五千里巖岨迢迢連玉壘岷嶓出水作大

山地春天

浮戒南紀舒為五色朝霞暉騰為虎豹嗥

陰霏翕為

千嶂雲雨入嘘為百里雷霆飛自鹽雪消

春水滿谷

鳥相呼錦城暖巴姬倚歌漢女和揚柳壓

橋花纂纂

銅梁翠氣通青蛤碧雞啼落天上星山都

號風寡鶻

泣杜鵑鳴咽愁幽冥傷悲羽怒聽未了窮

猿三聲巫

峽曉瞿塘波浪翻九淵倒瀉流泉喧木杪

樓頭仲宣

驕旅客故鄉渺渺音塵隔含悽更聽蜀國

音不待天

王莽末為公孫述所據置成都尹建武二

明頭盡白

王莽末為公孫述所據置成都尹建武二

年述平仍為益州治建安十九年昭烈定都于此晉
 永寧中為李特所據永和二年平之寧康元年陷入
 苻秦義熙元年又為譙縱所據九年討平之宋齊皆
 為益州梁承聖元年為武陵王蕭紀所據後周置總
 管府隋大業中府廢仍為蜀郡唐貞觀元年置劍南
 道天寶十五載明皇駐蹕于此至德二載改成都府
 置南京上元元年罷京五代時王建孟知祥據蜀皆
 都此鄭谷蜀中三首云馬頭春向鹿頭關遠樹平蕪
 一望開雪下文君沽酒市雲藏李白讀書山江
 樓客恨黃梅後村落人歌紫芋間堤月新燈好時景
 漢庭無事不征蠻夜無冬雨曉生塵莫色嵐光日日

新蒙頂茶畦千點露浣花殘紙一溪春楊雄宅在唯
 喬木杜甫臺荒絕舊鄰却共海棠花有約數年留滯
 不歸人渚遠江清碧筆紋小桃花繞薛濤墳朱橋直
 指金門路粉蝶高連玉壘雲牕下斷琴翹鳳足波中
 濯錦散鷗羣子規夜啼宋乾德三年平蜀置西川
 巴樹不並吳鄉楚國聞

路端拱元年復曰成都府元曰成都路至正中明玉
 珍據之明洪武初復曰成都府 國朝因之附郫縣
 二曰成都曰華陽舊城張儀所築初築屢頽不立忽
 有大龜周行旋走巫言依龜行處築之城得堅故號
 龜城方廣七里大城一名子城又築少城于子城之
 西蜀都賦亞以少城接乎其西是也王士正登成都
 西城樓望雪山

云秋老錦官城西風捲旆旌霜高犀浦落日出雪山
明黎雅初增戍松潘未罷兵誰能凌絕頂萬里一崢
嶸漢元鼎三年立十八門隋楊秀附子城增築西南

二隅通廣十里唐乾符二年西川節度使高駢增築

羅城周二十五里以篔簹之後唐天成二年孟知祥

于羅城外增築羊馬城周四十二里及孟昶時城上

盡種芙蓉又謂之芙蓉城明洪武中太祖第十一子

獻王封蜀大治藩邸外建羅城甃以琉璃比擬上京

後燬於猷賊呂潛經蜀故城云邊徼錫封憐少子蜀

宣門拜刺來智井寒泉沉鳳羽天塔白日走今藩邸

改為貢院周圍環之以水即摩訶池寰宇記摩訶池

蕭摩訶所鑿在錦城內陸游渭南集摩訶池入蜀王

宮中舊泛舟入此池曲折十餘里至宋世蜀宮後門

已為平陸然猶呼為水門也杜甫晚秋陪嚴鄭公摩訶池泛舟云湍駛風醒

酒船回霧起隄高城秋自落雜樹晚相迷坐觸

鴛鴦起巢傾翡翠低莫須驚白鷺為伴宿清溪又有

錦官城在府城南華陽國志萬里橋南岸道西有城

故錦官也元和志錦城在華陽縣南十里即故錦官

城錦官猶合浦之有珠官也温庭筠錦城曲云蜀山

繁九折江風吹巧剪霞綃花上千秋杜鵑血杜鵑飛

入巖下叢夜叫思歸山月中巴水漾情情不盡文君

織得春機紅怨魂未歸芳草死江頭學種相思子樹
 成寄與望鄉人白帝荒城五千里李以寧錦城篇云
 我聞錦城好駕言錦城道錦城萬堞含秋雲錦城四
 野迷荒草峨眉山在色蒼蒼灌口江來波浩浩益州
 自古帝王都西陲陸海真名區文翁政教成遺俗武
 侯將相開雄圖豪華幾見晉唐代詞賦偏工楊馬徒
 宅橋九陌橫烟霧風光佳麗忘朝暮仙人柴府騎青
 羊秦相赤樓高白菟江濱神從帝女留支機石自天
 河度二月四月治遊天輕車細輦爭並闌文憲繡戶
 家家啓珠箔瓊鉤處處懸垂簾市上高人隱貫酒壚
 頭少婦妍王孫俠客馳飛鞚同心暗結鴛鴦夢花卿
 歌板入雲流艷舞衰隨風動藕幅輕拖荔子裙釵
 頭小集桐花鳳斜那得比宮閨粉黛橫陳未足奇
 王衍太妃稱國色李珣小妹冠昭儀漫誇天子十眉
 清更羨夫人百首詞別有風流開水殿青娥皓齒娛
 清晏城號芙蓉萬樹垂波明珠翠新粧銜彩舸避暑
 摩訶池綃衣待月宣華苑近來蜀國更堪誇奕葉賢
 良帝子家自是宗藩盟帶礪敢將程卓擬驕奢葡萄

織就錦千軸雲母描成扇九華畫棟飛藁連戚里絲
 管烟花讓朱邸三百年來恩寵多一朝世變荆榛起
 安得壯士雄五丁可憐野火焚連理行人莫向浣花
 溪草堂禮木晚萋迷金鴈橋邊曾有鴈碧雞坊下已
 無雞遙遙芳樹通秦棧滾滾長江擁石犀祗今驛路
 惟烽堠天寒何處倚翠袖紅墻夜穴魚燈微青松日
 斫龍鱗覆尚憶華陽集古今誰從益部傳耆舊物換
 星移復幾秋棘闈深鎖故宮幽蘭珊此日三千士窈
 窕當時十二樓漏聲頗似銅壺閣月隱難銷石鏡愁
 已矣哉歸去來久無金馬祀莫問石經臺井絡女星
 猶燦爛天彭玉壘徒崔嵬獨有漢昭烈故宮在今府
 城內卽蜀藩府也按蜀都賦有議殿爵堂新宮武義
 宣化崇禮諸宮名今俱無存文翁石室在府治南
 鄰文翁講堂云錦里淹中館岷山樓下亭空梁無燕
 雀古壁有丹青槐落猶疑市苔深不辨銘良哉二千

石江漢表遺靈漢書文翁廬江舒人景帝末爲蜀郡守見蜀地辟陋有蠻夸風欲誘進之乃選郡縣小吏張叔等十餘人親自飭厲遣詣京師受業博士或學律令數歲蜀生皆成就又修學宮于成都市中由是大化蜀地學于京師者比齊魯焉後武帝令天下郡縣皆立學校官蓋自文翁爲之始云華陽國志文翁立文學精舍講堂作石室一曰玉室在城南永初間堂遇火太守陳留高昞更修立又增一石室作周公禮殿祀先聖周公費著周公禮殿聖賢圖考周公禮殿制甚

古低屋方柱上狹下廣與今制異左柱有漢高昞修學舍記凡三百四十二字殿有板龕護先聖賢像邱文播畫山水龕後有板壁黃筮畫湖灘邱畫已亡獨黃畫存殿之壁高下三方悉圖畫上古以來君臣及七十二弟子像世傳晉太康中太守張收之筆收子載卽銘劔閣者也嘉祐中王素命摸寫爲七卷凡一百五十五人爲成都禮殿聖賢圖紹興中席益又摸寫於石經堂凡一百六十八人明末爲獻賊所燬國朝康熙四十三年按察使劉德芳修復之六十年

學使方覲增修講堂學舍三十餘間按通省士之尤者延師教之更名錦江書院石經堂在府學成都記蜀孟昶有國其相母昭裔刻孝經論語爾雅周易尚書周禮毛詩禮記儀禮左傳凡十經于石石千數盡依太和舊本歷八年乃成公毅則有宋田元均補刻古文尚書則晁武所補也胡元寶作堂以貯之名石經堂司馬相如宅在成都縣西南蜀記相如宅在市橋西卽文君當壚滌器處又有琴臺在笮橋下百步許杜甫琴臺云茂陵多病後尚愛卓文君酒肆人間市琴臺日暮雲野花留寶曆蔓草見羅帶歸鳳求

皇意寥寥不復聞揚雄宅寰宇記在成都少城西南角一名

草元堂方餘勝覽中有載酒亭及墨池今成都縣治卽其地也籌邊樓在府治西唐李德裕建四壁圖蠻夸險要日與習邊事者籌畫其上宋淳熙中范成大重建于子城西南萬頃池在成都縣北水經注張儀築城取土處去城十里因以養魚今萬頃池是也浣花溪在城西十里一名百花潭唐杜子美居此有少陵草堂杜甫堂成云背郭堂成蔭白茆綠江路熟俯青郊檻林礙日吟風葉籠竹和烟滴露梢暫止飛鳥將數子頻來語燕定新巢旁人錯比揚雄宅嬾情無心作解嘲又將赴成都草堂途中有作先寄

嚴鄭公五首云得歸茅屋赴成都直爲文翁再剖符
但使問閭還揖讓敢論松竹久荒蕪魚知丙穴由來
美酒憶郫筒不用酤五馬舊曾諳小徑幾回書札待
潛夫處處青江帶白蘋故園猶得見殘春雪山斥堠
無兵馬錦里逢迎有主人休怪兒童延俗客不教鵝
鴨惱比鄰習池未覺風流盡况復荆州賞更新竹寒
沙碧浣花溪橘刺藤梢咫尺迷過客徑須愁出入居
人不解東西書籤藥裹封蛛網野店山橋送馬蹄
豈藉荒庭春草色先判一飲醉如泥常苦沙崩損藥
欄也從江檻落風滿新松恨不高千尺惡竹應須斬
芻辛生理祇憑黃閣老衰顏欲付紫金丹三年奔走
空皮骨信有人間行路難錦官城西生事微烏皮几
在還思歸昔去爲憂亂兵入今來已恐鄰人非側身
天地更懷古迴首風塵甘息機共說總戎雲鳥陣不
妨遊子芟荷衣又懷錦水居止二首云軍旅西征解
風塵戰伐多猶聞蜀父老不忘舜謳歌天險終難立
柴門豈重過朝朝巫峽水遠逗錦江波萬里橋南宅
百花潭北莊層軒皆面水老樹飽經霜雪嶺界天白

錦城曠日黃惜哉形
勝地回首一茫茫
迤東爲草堂寺建自蕭梁簡文

帝草堂傳汝南周顥昔經在蜀以蜀草堂寺林壑可
愛乃于鍾嶺雷次宗學館立寺因名草堂亦號山茨
蜀檣杪乾德五年四月十九日王衍出游浣花溪龍
舟綵舫十里綿亙日方午暴風起有白魚自江心騰
空而去老學菴筆記四月十九日成都謂之浣花遨
頭晏于杜子美草堂滄浪亭傾城皆出錦繡夾道自
開歲晏遊至是日而止蜀人云雖戴白之老未嘗見
浣花日雨也蘇軾詩藍尾忽驚新火後遨頭要及浣

花前指此舊志引宋吳中復冀國夫人碑記云夫人
 微時見一僧墮污渠為濯其衣百花湧出因名其潭
 百花潭見于杜詩非由任氏得名大歷中崔寧鎮蜀
 以妾任氏本浣花人重修草堂寺吳遂附會其說耳
 宋京草堂云君不見少陵草堂背西郭浣花溪水
 堂脚竹寒沙白自淒涼莫問四松霜草薄入門好在
 烏皮几公去不歸換鄰里西嶺千秋雪未消舍北泥
 融飛燕子祇今燈木平橋路籠竹和烟雜江樹野僧
 作屋號草堂不是柴門舊時處詩壇今古推能將艷
 艷文章光萬丈安得英才擅品量當使公居摩詰上
 又杜工部祠云瞻拜荒祠下萍踪此尚留心存唐社
 稷詩續魯春秋竹屋斜通徑花溪遠抱樓江山真古
 絕千古獨風流宋元云老病思明主乾坤入苦吟秋
 風茅屋句春日杜鵑心詩史孤忠在文星萬古沉祇

應憶李白到海去相尋董新策少陵草堂云橘刺藤
 稍小徑斜少陵茅屋屬僧家風吟亂葉迷雙樹水匯
 空潭冷百花香閣鼓鐘風雅歇影碑塵土貌諸葛井
 顏差乞絲何自尋高躅處處蠶繅聽嚮車
 在府城內井八方上狹下濶其深莫測水甚甘美相
 傳諸葛武侯欲通井絡王氣故鑿此井夏月江漲嘗
 有浮瓜出其中蓋與江通也李商隱井絡云井絡天
 彭一掌中漫誇天設劍
 為鋒陣圖東聚夔江石邊柝西懸雪嶺松堪嘆故君
 成杜宇可能先主是真龍將來為報奸雄輩莫向金
 牛訪薛濤井在華陽縣錦江南岸舊名玉女津薛濤
 舊踪
 家井旁取水造十色牋紙名浣花牋明蜀藩每歲三
 月三日汲此水製牋二十四幅以十六幅入貢董新
 策薛

濤墓云三尺荒墳土半摧千年埋沒校書
才春江依舊紋絮簾那有桃花繞著開武擔山在

城西北蜀記武擔山精化為美女蜀王納為妃不習
水土而死乃遣五丁于武都擔土為冢故名武擔塚
蓋地數畝高七尺上有一石厚五寸徑五尺瑩澈可
鑑號曰石鏡王見悲悼作與邪之歌龍歸之曲路史
開明妃墓今武擔山也有二石闕石鏡武陵王蕭紀
掘之得玉石棺中美女容貌如生體如水掩之而寺
其上鏡周三丈五尺其西為石筍街華陽國志蜀有
五丁力士能移山每王薨輒立大石長三丈重千鈞

為墓誌西陽雜俎蜀石筍街夏中大雨往往得雜色
小珠俗謂地當海眼莫知其故杜光庭石筍記成都
子城西通衢有石二株挺然聳峭高丈餘圍八九尺
碧鷄坊在府城內西南隅益州記成都之坊百有二
十第四曰碧鷄坊支機石在成都城內嚴真觀博物
志有人乘槎入天河得一石歸問嚴君平曰此織女
支機石也寺有井與綿竹君平宅井相通曰通仙井
合江亭在府城南東即郫江與流江合流處唐韋皋
建宋呂大昉記亭為唐人宴餞之地名士題詩往往

在焉俯而觀之滄波渺然東山翠麓與烟林篁竹列
 峙于前鳴瀨抑揚鷗鳥上下商舟漁艇錯落游行一
 府之佳觀也武侯祠在府城西南百花潭上與昭烈
 合祀旁即惠陵杜甫詩憶昨路遶錦亭東先主武侯
 祠閣宮指此杜甫蜀相云丞相祠堂何處尋錦官城外柏森森映碧草自春色隔葉黃鸝空好音三顧頻煩天下計兩朝開濟老臣心出師未捷身先死長使英雄淚滿襟又謁先主廟云慘澹風雲會乘時各有入力侔分社稷志屈偃經綸復漢留長策中原仗老臣維耕心未已歐血事酸辛霸氣西
 南歇雄圖歷數屯錦江元過楚劍閣復通秦舊俗存
 祠廟空山泣鬼神虛簷交鳥道枯木半龍鱗竹送清
 溪月苔移玉座春閭闔見女換歌舞歲時新絕域歸
 舟遠荒城繫馬頻如何對搖落况乃久風塵孰與關

張並功臨耿鄧親應天才不小得土契無鄰遲暮堪
 帷幄飄零且鈞緝向來憂國淚寂寞灑衣巾岳鍾琪
 武侯祠云等閒巾扇策奇勳伊呂儔非管樂羣漢土
 蠶叢天一角草廬龍臥鼎三分陣圖終古排沙磧廟
 樹何年赦斧斤魚水君臣兩遺憾祠堂殘照惠陵雲
 顧光旭謁惠陵三首云南陽諸葛真名士天下英雄
 唯使君定霸才應高管樂尊王義自邁桓文兵戈滿
 目元黃戰衣帶寒心玉石焚白帝歸來三峽冷春山
 杜宇不堪聞天府當年此啟都州人奉戴進全圖重
 開巴蜀麾黃鉞直配高江東下荆襄遠翻恨懸軍一將
 順平抗疏諫征吳大江東下荆襄遠翻恨懸軍一將
 孤三分王業竟偏安一片荒陵尚鬱盤魚水君臣金
 殿陶風雲龍虎錦江寒託孤涕泪埋煙草討賊聲
 靈動石壇七十二墳何處所鄴城平後路漫漫青
 羊宮在成都縣西南寰宇記老子與關尹喜別約曰
 千日後尋我于成都青羊肆今為青羊觀觀中舊有

石羊一 國朝漁洋始至尚存再至則失之矣今銅
 羊係遂寧張相國所施遂寧購自燕市羊只一角在
 頂似角端而虛其中旁有竅座鑄藏梅閣珍玩五字
 製鑄甚古摩挲有光蜀碧獻賊亂蜀下令試士有一
 不到者十家連坐至日文士齊集貢院前左右設長
 繩離地四尺按名序立凡身過繩者悉驅至青羊宮
 殺之死者萬餘人筆硯山積玉局觀在府城南寰宇
 記府城南柳堤內有玉局壇張道陵得道之所方輿
 勝覽昔老君與張道陵至此有局脚玉床自地而出

老子升座說南斗經既去而座隱入地中因成洞穴

故以玉局為名蘓軾提舉玉局觀即此蘓軾送戴蒙

觀云拾遺被酒行歌處野梅官柳西郊路聞道華陽
 版籍中至今尚有城南杜我欲歸尋萬里橋水花風
 葉暮瀟瀟芋魁徑尺誰能盡榿木三年已足燒百歲
 風狂定何有羨君今作我眉叟縱未家生執戟郎也
 應世出埋輪守莫欺老病未歸身玉局他年
 第幾人會待子猷清與發還須雪夜去尋君迴瀾塔

在東門外鎖江橋畔萬歷中布政使余一龍建毀于
 獻賊乾隆二十五年四川總督開泰改建同慶閣蜀
 碧成都鎖江橋畔有迴瀾塔賊登其上見內城宮殿
 語從官云橋是弓塔是箭彎弓正射承天殿遽命毀

雲水雜錄 卷八
三
之就其地修築將臺穿穴取磚至四丈餘得一古碑
上有篆文云修塔余一龍拆塔張獻忠歲逢甲乙丙
此地血流紅妖運終川北毒氣播川東吹簫不用竹
一箭貫當胸炎興元年諸葛亮記至 肅王督師攻
獻于西充射殺之迺知吹簫不用竹蓋肅字也淨居
寺在城東旁爲潛溪書院宋潛溪先生墓在焉先生
名濂字景濂金華人明初大儒洪武中官學士承旨
朝廷大制作多出其手後以長孫慎仲子璵得罪竄
夔未幾卒初葬蓮花山下正德中蜀獻王遷葬于此

武宗有手勅禁樵牧碑尙存

董新策宋潛溪先生墓
云學士胡來此荒塗塞

墓門老樵孫子禍死受帝王恩異代鵲啼
血殊鄉鶴返魂悲涼三百載誰復薦蘋蘩 萬里橋在

南門外元和志萬里橋跨大江水在縣南八里蜀使
費禕聘吳諸葛亮祖之嘆曰萬里之行始于此橋因
以爲名橋下水卽錦江也水經注言錦工織錦濯之
江流色至鮮明遂命之爲錦里也笮橋在城西南四
里華陽國志萬里橋西上曰夸星橋亦曰笮橋徐康
晉記桓溫討李勢戰于笮橋寰宇記橋以竹索爲之
唐白敏中開渠引水自城西北隅穿鐵窻潛流入城

中達于東門入江名禁河宋旦子益復作三斗門以節之明初建蜀府于河陽改名金水蓋分江水之支派入于城中所以通舟楫而便民也禹貢華陽黑水惟梁州又曰岷山導江東別爲沱黑水卽若水也沱則江之別出而復入者名勝志以岷瀘巴雒四大水爲四川所由名後人又以內江外江黑水白水當之蓋岷卽外江雒卽內江瀘卽黑水巴卽白水也禹貢錐旨江水出四川松潘衛徼外岷山流逕衛北又東南逕疊溪營西又東南逕茂州西又西南逕威州西

玉輪水注之又西南逕保縣西又東南逕灌縣西沱水出焉江水又東南逕温江縣西崇慶州東又東南逕新津縣東北又東南逕眉州東又南逕嘉定州東又東南逕犍爲縣北又東南逕宜賓縣東北合馬湖江東南逕南溪縣南又東逕江安縣北又東逕納溪縣北又東北逕瀘州東南沱水合湔雒諸水從西北來注之沱水自灌縣西南首受大江東逕郫縣北又東逕新繁縣南又東逕成都縣北又東逕新都縣南又東逕金堂縣南又東逕簡州北又東南逕資陽縣

雲南通志 卷八
北又東逕資州南又東逕內江縣北又南逕富順縣
東又東南逕瀘州北又東南與江水會江水又東逕
合江縣北又東北逕江津縣北又東北逕巴縣東南
西漢羌白涪巴渝諸水自北來注之又東北逕長壽
縣南又東逕涪州北涪陵江水自南來注之又東北
逕鄆都縣南又東北逕忠州南又東北逕萬縣南又
東北逕雲陽縣南又東逕奉節縣南夷水故道出焉
又東逕巫山縣南又東逕巴東縣北又東逕歸州南
又東逕夷陵州南又東逕宜都縣北與夷水合夷水

本首受奉節縣之大江今建始縣北其故道皆已墮
塞唯從縣南受施州衛開蠻界水東逕巴東長陽至
宜都縣北又東入于江經所謂東別爲沱者禹所導
一爲梁州之沱今鄖江是也一爲荊州之沱古夷水
是也地理今釋黑水卽今雲南之金沙江其源發于
西蕃諾莫渾五巴什山分支之東曰阿克達母必拉
南流至塔城關入雲南麗江府境亦曰麗水東南流
至姚安府大姚縣之左却鄉北打冲河自鹽井衛來
會之打冲河出西蕃界在崑崙東南百里二源同發

雲梯紀程 卷八
名查褚必拉蒙古謂之七察兒哈那平地水泉數十
泐沮如鬻沸散若列星滙而南流有支河十二道左
右流入之至占對安撫司入四川界南流東折繞鹽
井衛之東北又南至烏喇裸果入金沙江黑水又東
入四川逕會川衛南又東至東川府西折而東北流
逕烏蒙府西北馬湖府南又東逕敘州府南入岷江
范成大曰江出岷山其源實自西戎萬山來至嘉州
而沫水合大渡河以會之至敘州而馬湖江出自沱
中以會之又十五里而南廣江會之至瀘州而內江

自資簡等州會之至恭州而嘉陵江自利閬果合等
州會之至涪州而黔江又自黔州合南沱諸水會之
至萬州而開江水自開達等州會之夫然後總而入
于峽是江自峽而西受大水凡八及出峽而下岳陽
則會之者洞庭湖所受湖南北諸郡水也又自是而
下鄂渚則會之者漢口所受興元諸郡水也又自是
而下黃州四十里則會之者巴河也又自是而下江
州則會之者彭蠡今名鄱陽湖所受江東西諸郡水
也又自是而下則會之者皖水所受淮西諸水也夫

然後總而入于海是江自峽而東又受大水凡五畧計天下之水會于江者居天地之半其名稱之大而可考者凡十有三故曰江源其出如瓿而能滔滔萬里以達海所受者衆也嗚呼問學者可以觀矣

